

կանայր նիւթք շինուածոցն և տախտակաց: Զբազումս երեւելի տեսլեամբ զահագին մեծութեան նաւուցն կըլանէր ծով ի խորս և աներեւութացուցանէր, զայլս յերկուս հերձեալ և յինքն ամփոփէր, և զայլս մասն մասն արարեալ ի ծով ճապաղէր. և մեռանէին անդ ի ջուրս ամենայն արամբ գլխաւորօք և յետնելովք և փայլան ծառայիւք, համայն կահիւք եւ սպասիւք նաւուցն և զանձուցն: Եւ այլք տատանեալք ի վերայ ծովու բազում աւուրքք՝ դոյզն¹⁾ ինչ փայտիւ հազիւ ելանեն ի ցամաք եւ սակաւ լողնորդք փրկին: Ապա և յետ աւուրց պատուհասին գտանեն նաւք Գ զինքեանս, մինն՝ զափուտանին, երկրորդն՝ քէհեային և երրորդն՝ որդոյ նորին, որք ոչն ունէին ընդ զօրացն կամս յոճրագործութիւնս: Նաւ վասն ահեղ սքանչելեաց Աստուծոյ եթող պատմողս զի երկիւղիւ ունիցին զինքեանս յամենայն կեանս իւրեանց:

Եւ յաւուրս լինէր անձրեւ բազում զտիւ և զգիւշեր, և յետ այնմ եղև սաստիկ հողմ, զի շինուածք քակեցան և որմք մնացեալ ի վայր հոսեցան և ծառք բազումք ի հիմանց տապալեցան, որ և յապարանս արքայի ձի ծառ նոճի յարմատոց խլեցան:

Լինէր և գալուստ եղիազարին Նոյեմբերի ԼԻՅ (Նշ.) պահոց Յիսնակի:

Ի սուղ ինչ զոր ասացաք սակս Ղազար հայրապետին, երթեալ շրջէր ի գիւղս և ի գաւառս մերձաւորս և հասանէր յէտրէնէ հաճեցեալ զկամս տէֆտէրտարի՝ միջնորդութեամբ եղբօրն Իսմայէլի, որ երբեմն առ մեզ մաքառէր, անդրէն յղէ զայս ինչ առ քէհեա վէզիրին, Զի կամիմ, ասէ, շահս արքունեաց, և ահա

1) դուզն.